

**TUITHAPHAI PRESBYTERY  
CHANCHIN  
1960-1990**

7<sup>th</sup> May, 2015  
RAMTHAR NI ZIR TUR

by —  
Rev. Lallarmawia

# TUIṬHAPHAI PRESBYTERY CHANCHIN 1960 - 1990

Nikum lamah 1953 - 1960 chhung T.P. chanchin kan lo zir tawh a. Chumi chhunzawm nan kuminah hian 1960 - 1990 chhung kan zir leh dawn a ni. Kohhran chanchin zirmite tih angin kan Presbytery chanchin hi dah dawn chhin ila 1953 - 1960 chhung hun thim lai, 1960 - 1990 chhung rahbi thar rah chhoh leh 2000 - 2015 hi a vanglai kan ti thei awm e. Kumina kan zir tur hi kum 30 chhung chanchin a nih avangin tawite tein chanchin langsar zual chauh kan thur chhuak dawn a ni.

## 1. PASTORAL MINISTRY

Kum 1959 aṭang khan Assembly tirhin Assembly Officer-in min awmchilh ṭan a, 1978-a Synod a din thleng khan Assembly Officer pali an rawn awm hman a ni. An ni hian Presbyterian kalhmang zirtir bakah Inkhawmpui kaihhruai leh Pastor-te rawngbawlna nasa takin an puibawm a ni.

Kum kua lai Pastor Lalтуangan amah chauha Presbytery pumpui a bial hnuin 1966-ah Rev. Zatanga leh Rev. Rongura te nemngheh an lo ni a. Pastor bial pawh bial thumah ṭhen nghalin, Pastoral Committee pawh din nghal a ni a. Kum 1969-ah hetiang hian bial siam rem a ni —

(1) Lamka Bial : Lamka, Moirang, Nghathal  
leh Imphal

- (2) Kawnpui Bial : Kawnpui, Thingkangphai,  
Thingat leh Bualkawt
- (3) Mualvaiphei Bial : Mualvaiphei, Saikawt,  
Khawpuibung leh T. Kotlian

Kum 1970-ah Moreh, Phaisenjang, New Samtal leh Zezaw te lak luh an ni a. 1971-ah Mualcham lak luh an nih leh tak avangin 1973-ah Moreh Pastor Bial hawn a ni a. Mahse heng Phaisenjang, Samtal leh Mualcham te hi Kohhran ding thei an awm tak loh avangin 1988-ah Moreh Bial thiatin Imphal Pastor Bial tia thlakin Moreh pawh Imphal Bialah behtir a ni ta a ni.

Kum 1970 chuan Assembly thurawn angin Pastor Bial Inkhawmpui neih tan a rel a, Bial Puipa turte pawh Assembly Officer hovin Standing Committee-in a ruat nghal a. Constitution angin Pastoral Committee tur pawh bial tin atangin mi pathum zel an ruat nghal a ni.

Kum 1980 Inkhawmpui chuan Saikawt hmunah Pastor Qtrs. sak a rel a. Kum 1981 Inkhawmpui chuan Mualvaiphei Pastor Bial chu “Saikawt Pastor Bial” tiin a thlak a. Hemi kum vek hian Pastor-te awmna ngaia awm reng tawh lovin kum 5 dan zela inthlak turin a rel bawk.

Kum 1979 Inkhawmpui chuan Pastor Qtrs. neih tan a rel a. A hmasa ber atan Moreh hmunah ₹ 10,000/- (singkhat) sanction in ram lei nghal a ni a. Lamka Bial tan T.P. Kohhran Hmeichhia-te hmunah Qtrs. sak a ni a. Kawnpui Qtrs. atan ₹ 25,000/- (singhnih leh sangnga) in In leh a hmun lei a ni bawk.

## **2. INRELBAWLNA LAM**

Kum 1964-ah Office neih ÷an a ni a, Upa Zasanga In, I.B. Road-a mi luah hawh phawt a ni a. Kum 1965-ah Pro. Pastor Rongura chu Office Clerk-ah part-time a thawhtir a ni a. Kum 1969 a÷angin Rev. Laltluanga thawhtir ve leh a ni bawk. Kum 1969-ah tuna T.P. Office hmun hi ₹ 5,000/- (sangnga) in In saksa nen lei a ni a. Kum 1975-ah ₹ 5,000/- (sangnga) sengin sak ÷at a ni a, kum 1976-ah luah ÷an a ni.

Kum 1976 Inkhawmpui chuan Office vawn hna chu Minister ngeiin thawk sela a tih angin Rev. B. Lalhnuna chu thawhtir nghal a ni a, Lamka Bial vawn nen a kawp a ni. Kum 1983 a÷angin Office incharge tih ÷hin chu Executive Secretary tia thlak a lo ni ta a ni.

Kum 1964 a÷angin Library neih ÷an a ni a, tunah chuan a lo changtlung ve ta hle. Kum 1966-ah Bookroom hawn remtih a ni a. A tirah Upa Zasanga in luahin in neitu nen a pung  $\frac{1}{3}$  a insemin bul ÷an a ni a, Rev. Laltluanga leh Pro. Pastor Rongura te enkawltir a ni. Tunah a lo tawp ta mai hi a uihawm hle.

## **RAMTHAR**

Kum 1965 hmalam kha chuan mimal KTP leh Kohhran Hmeichhiaten Tirhkoh ruaiin mahni beih beihin an bei deuh mai niin a lang. Manipur Gam Presbytery (MGP) Tirhkoh chawmna puihnan thlatin ₹ 40/- (sawmli) an lo pe ÷hin a, tin Zou bialah a bikin Singat lamah an thawh nasa

hle. Kum 1965 inkhawmpui chuan “Singat bial chu Kristian ram tih theih deuh thawa êng a lo ni ta a, kan tanpuina hi la kirin, ramthim zawk Manipuri ho zinga tirhkoh dahnan hmang zawk ila” tiin a lo rel a ni.

A tirah Ramthim Board tiin Chairman leh Secretary an ruat bak chu khawtin aṅgin member tur an intir thin a. Kum 1965 inkhawmpui chuan “Ramthar Board” tiin a hming a thlak a, tun thleng hian a pu ta zel a ni. Vanbawng leh Phuaibuang Pastor Bial KṚP chawmin April 6, 1964 khan Pu Bungkothanga chu Tirhkoh atan lak a ni a. T.P. Ramthar Board chuan 1965-ah Soisonga chu Tirhkoh atan a la ve leh a, he mi kum vek hian Upa Thangkhuma, Khawbung khua chu Mizoram aṅgin volunteer-a a rawn kal bakah Zaingen Bial KṚP-in Pu Thongzakhama a rawn chawm baw. Tichuan Moirang hmunah ram ₹ 2,000/- (sanghnih) in lei nghal a ni a. Ramthar rawngbawlna tak tak chu tan a lo ni ta a ni.

Meitei zinga rawngbawlnain hma a sawn a, Mizoram Synod nen lungrual taka thawhho thin a ni. Kum 1983 aṅgin khan Mizoram kutah mawhpurhna a lo awm ta deuh a ni. Kum 1985-ah Tuithaphai Presbytery chuan mahni Field hran nei turin Rongmei zingah rawngbawlna tan a rel a, July 1, 1986 khan Raengzaeng (Ngarian) hmunah Mission Field hawn a no ni ta a ni.

## **FINANCE COMMITTEE**

Kum 1958-ah Financial Committee neih rel a ni a, khaw tin aṅgin member tur pakhat thlan nghal a ni. A

tum ber chu Presbytery chhunga mite thawhlawm thawh tura fuih leh Budget tihfel te, sum leh pai thua thil tul awm apiang ngaihtuah a ni.

1960 chhoah chuan Committee mumal taka dingin Pathian ram thilpek enkawl thua tan an la nasa hle. Buh chhun tling khawm hralh dan tur te, a man bithliah thua te thu an nei hle a ni. Sawma pakhat beihruah te huaihawtin, Buhfaitham Campaign te an nei thin a ni. An thurel pakhat chu “Buh hi hralh tawh ila, kan ti a. Saikawt lam chuan pawt-ah ₹ 17/- ni se, tin Lamka lampangah chuan ₹ 18/- ni se. Tin, khawnvartui tin nga zela teh ni se” (14.5.1964). Hma an lo lakna zarah tun dinhmun hi kan thleng thei niin a lang. Tuna Finance Committee kan tih tak hi chu 1989 inkhawmpuiah Constitution dungzuiin siam a lo ni ta a ni.

## **REVIVAL COMMITTEE**

Kum 1987 inkhawmpui vawi 39-na chuan Revival Committee din a rel a, ni 23.2.1987-ah Committee hmasa ber an thu a, Revival Committee thil tum 7 an duang chhuak a. Chu chu siam tha zelin tunah hian thiltum 5 neiin a kal ta zel a ni.

- (1) Kristian nuna harsatna tawkte tanpui.
- (2) Kohhran chungchang inzirtir.
- (3) Thurin chungchang inzirtir.
- (4) Chhandamna Campaign, Crusade, Seminar buatsaih.
- (5) Sawrkar leh khawtlang lama ringtute mawhphurhna inzirtir leh a tul dang apiang.

Kum 1987 leh 1990 chhungin Training leh Seminar vawi hnih buatsaih a ni a. Counsellor tur mi 30 ruatin group hnihah an inthen a, T.P. hnuaia Kohhrante chawh harhnan an tlawh kual nghe nghe a ni.

## **SUNDAY SCHOOL**

1953-a NEIGM an lo kehdarh tak atang khan T.P. chuan a hranpain Sunday School hi a kalpui nghal a. Vawiin thleng hian tluang takin a la kal zel a ni. 1958-ah Sunday School Committee din a ni a, 1959-ah Indian Sunday School Union (ISSU) zawm dan tur kawng an zawm laiin Mizo Sunday School Union zawk zawm a lo rem tak avangin hemi kum vek atang hian zawm tan nghal a ni.

Kum 1960-ah Sunday School Committee chuan Presbytery-ah puihna ₹ 20/- a dil a, 1961 atang erawh chuan zirlai pakhat zelah 2 paise khawn tan a lo ni a, chumi tlingkhawm chuan a inenkawl chho ta a ni. 1966 thleng khan Sunday School Kantu an ruat thin a, Sunday School beihrual pawh nei thinin Sunday School kai ngai lote an sawm thin.

1971-ah Mualvaiphei (tunah Saikawt) Bialin a hranpain NPSS Inkhawmpui an nei tan a, Kawnpui leh Lamka Bial erawh infin zelin 1989 atang khan mahni bial theuhah neih a lo ni ta a ni. Puitling leh naupang lamah zirlai MSSU zawm kan nih angin MSSU zirlai zirin lawmman pawh MSSU atang zelin dawn a lo ni ta.

## EDUCATION

Missionary-te aṅanga kan inrochun pakhat chu School din hi a ni awm e. TP hnuaia Kohhran tinten school an lo nei ṭhin a. Kum 1958-ah School Committee, Presbytery huapa neih ṭan a ni a. Kum 1959-ah Education Committee tia thlakin tun thlengin a pu ta zel a ni. Education Committee hmalakan tur atan - Sikul siam ṭhat, Sikul syllabus siam, Sikul inspect (tlawh), Zirtirtu lak leh ban (a nghet tur erawh inkhawmpui emaw Standing kutah emaw a awm) te a ni. 1964 aṅangin Local School Committee (Managing Board) din a ni a, khawtin Headmaster chu Secretary ni nghal tura rel a ni. School Inspector ruatin a changin pakhat a changin pahnih ruat hunte a awm ṭhin. Hei hi tunah chuan tihtawp a ni tawh.

Khaw tina zirna school awm ṭhin kha titawp hret hretin tunah chuan Lamka Central High School leh Moreh ME School chauh Presbytery chuan a nei ta a ni. Kum 1960 aṅanga 1990 chhunga Presbytery rorelna kipuiber luahtu pakhat chu zirna school chungchang hi a ni. A hunlai chuan heng khawtin school-te hi an pawimawh hle a, kohhran pawhin sum leh pai a seng tamin hna dang thawhna kawngah a tibahlah pah viau niin a lang. A hun laia hetiang taka zirna lama ṭhahnem an lo ngai hi a awm viau awm e. Tunlai angin private school ṭha a la awm si lova. Kohhrante ṭhahnemngaihna zarah mi puitling tam tak an lo chhuah pah reng a ni.



## TLANGKAWMNA

Kum 1960-1990 chhung T.P. chanchin tlangpui kan zir thuak a ni ber a. Chipchiar zawka zir pawh a chakawm hle. Mahse programme khat atan a nih miao avangin a tlangpui den den kan la chhuak a ni a. Presbytery anga inrelbawlina tak tak an neih tan chhoh hunlai a ni a, hruaitu hmasate thahnemngaihna leh inpekna a fakawm hle. T.P. Office nghaktu hmasa Rev. Laltluanga leh Rev. Zatanga phei chu rambuai laiin sipaiten office an check avangin jail bang hial an lo zut a, an lainatawm hle. Tun dinhmun kan thlen theihnana kohhran hruaitu kan Upa minte kha Lalpan he Presbytery tana min pek an nihzia i hre thar zel ang u.